



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.D.XVI. Sancti Patris Benedicti M.XXXVI.

urn:nbn:de:hbz:466:1-38498

licam totam plumbo textit, sibi que subjectis multo nomine consulens, vitæ cum primis exemplo facem omnibus prætulit. *Vid. Rerum Gall. Script. Claud. Rob. & alij.*

IESU CHRISTI ANNUS M.D. XVI.
Sancti Patris Benedicti M. XXXVI.

MAgnum omnino Sydus, & splendidissimum quidem, Germaniæ nostræ extinguitur. Moritur, immortalis meritorum copia & felicitate, Abbas noster Joannes Trithemius, vir sæculi hujus ingeniosissimus plane & eruditissimus; Benedictini Ordinis Zelator fidelissimus, Reformationis promotor præcipuus, studiorum Restitutor solertissimus, nunquam sine reverentia nominandus. Is quantumvis à diversis & maximis Germaniæ Principibus in familiam, & familiaritatem, etiam ambitiosissime & certatim expeteretur, Monastici tamen Instituti tenacissimus, nec ab ipso quidem sui longè amantissimo Divo Maximiliano I. Imperatore Augusto persuaderi potuit, ut Aulam Cæsaream, favoresque & gratiam tanti Cæsaris cellulae suæ præhaberet, hanc omnibus mundi divitijs & illecebris potiorem habuit, animum dilexit, suscipereque omnibus mirifice commendavit. Vir, quem merito suo, dignis honoribus ac titulis, nisi ipse respuisset, & pro virili aversatus esset, Principes maximi evertum & excultum volere, & Joachimus in primis Sacri Rom. Imperij Elector Brandenburgus extulit, dum in litteris ad ipsum datis, ita denique illum compellavit: *Vale Germaniæ decus, totiusque arcæ sapientiæ, mei memor ad DEUM, & amans, quia Te vehementer amamus.* In ipso *Ridivivum Benedictum*, & primævum Ordinis resuscitatum Spiritum, nemo dubitaverit, qui Commentarios ejusdem in Regulam, sermones in Generalibus Capitulis habitos, & alia sacra scripta legerit, adeo omnia Divini Pneumatis dictata referunt, ut in hoc genere in nullo maximis Ecclesiæ Doctores cessasse videatur adeo ponderosè graviter simul & suaviter animos Religiosos afficit, ut revera non Homini, sed DEI verba & dictata agnoscas, & merito tanto post sapius Reformatissimis Canonicis ad mensam, & aliàs magno cum

Fructu, summaque omnium admiratione & approbatione audiantur. In Historicis non nemo arrogantius quàm prudentius tanto viro Fabulas impunitas, ipse prudentioribus Factus Fabula, dignas temeritate poenas dedit. De ipso longè aliter Gaspar Scioppius, rigidus cæteroquin, rerum censor, vir eruditissimus: *Trithemio recedè fidem haberi, nemo æquus & intelligens negaverit. Nam is fuit vir gravissimus, & partim in regimine Monasteriorum, partim in Theologicis & Philosophicis studijs, præcipueque in arcanis naturæ indagandis occupatissimas, ut eum comminiscendis nominis Genealogijs nequaquam vacare potuisse planum sit. &c.* Et paulo post: *Non ego quidem, inquit, quacunque in Historia scripsit Trithemius, vera esse, aut credo, aut alijs persuasum volo. Nam & alicubi eum dormitasse, aut ostitasse, aliasque res esse agnosco, & in loco alienæ fidei, simpliciter credidisse intelligo. Sed hæc humana sunt, facileque veniam sibi ab omnibus bonis inveniunt. Illud autem nullum excusationi locum relinquit, falsa scientem volentem litteris proderet, & auctores; in quibus ea inveneris, comminisci: cujus culpe dicam, periculum non est, nequis Trithemio impingat, qui hominem ex libris suis, pervoverit. Plurimos enim Scriptores, quæ sacros, quæ profanos ab eo visos esse, ac lectos constat, quorum hodie nullum usquam vestigium invenitur, postquam scilicet Agricolarum, Lutheri doctrina efferatorum, tumultibus, bene magnam Germaniæ partem turbati, multaque Monasteria & arces cum Bibliothecis, & tabularijs suis, expilari, cremari, funditusque everti contigit. Magna ergo, pergit, imperitia & iniquitas est, siquid se Trithemius in veteribus, & idoneis rerum Auditoribus, legisse dicat, quod apud eos non extet qui hodie sunt in manibus, id continuo falsum, & commentitium judicare &c.* Idem ferventius alibi, contra protervius insultantem: *Reliquum est, inquit, ut Trithemium ingenio ad fingendum, & sarcinas lectoribus imponendas, natum, aut multo studio factum fuisse insimulet &c.* Hoc autem cui persuasurum se speret, ipse viderit; quemadmodum etiam, quomodo hanc judicij sui temeritatem Christo Iudici probaturus sit &c. Ut hinc facile animadvertas, quanta temeritate manus in Christum Domini iujecerint scriptores & calumniatores illi, qui tantis nomi-

Joannes
Trithemij
obitus.

Honorum
omnium
contemp-
tor.

Ridivivus
in ipso S.P.
Spiritus.

Commen-
tarios in
Regulam.

Fides &
Auctoritas
Trithemij.

Defenditur
contra Zoi-
lōs.

Magna in-
juria tanto
viro illata.

nomine Religione & meritis virum, ob editum Stenographiæ opus subtilissimum in suspensionem non solum Magiæ vocare auri sunt, sed & publicè damnare, libròsque omni dignos aternitate, omnium gentium admiratione & veneratione, ipsiusmet tanti Præfulis sanctissima scriptos manu, ignominiosissime exurere, quorum tamen gloriosissimum omnino Vindicem egit, & assertorem integritatis Trithemianæ serenissimus ac potentissimus Princeps Dominus Dominus Augustus D. G. Dux Brunsvicensis & Lunaburgensis, Princeps eruditissimus, & libris novem ignorantiam illam Censorum adeo temerariorum Orbi universo prodidit, & sanctissimæ memoriæ Principi Ferdinando II. Imperatori Augusto anno Christi M. DC. XXIV. dedicavit, sub hoc Operis Titulo:

GUSTAVI SELENI
CRYPTOMENTICES ET CRYPTOGRAPHIÆ Libri IX.

In quibus & planissima

STEGANOGRAPHIÆ

Serenissimus
Duxis Lau-
datisimus
comatus.

Joanne Trithemio Abbate Spanheimensi
& Herbipolensi, admirandi ingenij
viro, magiæ & enigmaticæ
olim conscriptæ
Enodatio Traditur.

Insuperis ubique Authoris ac Aliorum, non contemendis inventis.

Meruimus ipsiusmet serenissimi Principis dono opus præfatum, nec sine magna animi consolatione, de tanto Nominis & famæ Tanti Abbatis Assertore gratulabundi, in frontispicio libri tabellæ cupreæ inciso, quantum Trithemio deferret Dux & Princeps tantus, facile animadvertimus, cum ipse stans à tergore sedentis, & scribentis tanti ingenij virum, meritissimumque honoraturus caput, huic Ducalem suum pileum sive cidarim imponeret; summa revera Venerationis contestatione, & memorabili litterarum & litteratorum omnium Meccenatis, illorum tantopere colendorum exemplo, potentissimo illos confundere, qui sæpè de viris doctissimis & meritissimis, stulta & temeraria indebitæ sibi gloriæ ambitione, nequissimè detrahere non erubescunt. Vivit & viveret aeternum Trithemius,

non in perenni solum eruditorum memoria, sed vel maximè in Religiosorum omnium pectoribus; Redivivus quotidie in suis exhortationibus, neque Redivivus solum, sed & resuscitans, & resuscitaturus deinceps innumeros ad novam & sanctam Vitæ Reformationem; de quo tanto Præfule & Exhortatore merito sibi totus Benedictinus Ordo gratulatur. Evocatur ad superos B. Nicolaus de Prato, Conceptionis Immaculatæ Assertor mirificus, revelato sibi obitus die quem & disertè alijs prænuñciavit. Ipso anno Vitæ etiam cursum implet & communem mortalium viam ingreditur Petrus Gouffier Abbas S. Dionysij Parisiensis, frater. Arturi magni Franciæ Magistri Adriani Sacræ Rom. Ecclesiæ Cardinalis Guilielmi Admiralij, & Aymardi Abbatis Cluniacensis Episcopi Albiensis mortuus 8. Januarij cum non nisi duodecim annis præfuisset.

Petrus
Gouffier
Abb. S.
Dionysij
Parisienfis.

IESU CHRISTI ANNUS. M.D.XVII.
Sancti Patris Benedicti M. XXXVII.

IN Italia admirabili effulget vitæ sanctitate Venerabilis Maria Catharina Brugora Monialis Monasterij S. Margaritæ Virginis & Martyris Mediolani, Congregationis Casinensis; nata in eadem Urbe anno salutis patre millesimo quadringentesimo octuagesimo nono, Patre Bartholomæo Brugora, Matre Leonora Bolla, in cuius etiamnum infantia, stupenda omnino signa se prodidere futuræ sanctitatis, & tanta quidem, ut in tenella ætate, altera quasi Catharina Senensis, in vita reliqua [teste Francisco Rugeiro in libro Vitæ ejusdem Brugora approbato] ob creberrimas & Cælestes revelationes altera Brigitta, ob raptus atque extases, altera Catharina Rizzia Florentina; ob vitæ asperitatem & iuges cornusculi mortificationes, altera S. Paula à S. Hieronymo tantopere celebrata; ob suam cum Angelo Custode familiarem consuetudinem altera S. Francisca Romana haberetur. Ut in hac Redivivam Benedicti Patris sororem scholasticam, restitutum primævum Benedictinarum Virginum & Viraginum Spiritum, ac minimè abbreviatam DEI manum, crudissimo hoc sæculo merito suspiciamus; & cum libri

B. Catharina
Brugora monialis
Mediol.